

釋迦如來應化事蹟

三


釋迦如來應化事蹟

第三卷

生活·讀書·新知三聯書店

淨土緣起

觀無量壽佛經云王舍城有太子名阿闍世隨順調達惡友之
教收執父王頻婆娑羅母韋提希夫人幽閉深宮不令復出時
韋提希被幽閉已愁憂憔悴向佛作禮而作是言世尊威重無
由得見爾時世尊與目犍連阿難釋梵護世從空而來韋提希
白言世尊我宿何罪生此惡子唯願世尊為我廣說無憂惱處
我當往生不樂閻浮提濁惡世也世尊放眉間光遍照十方世
界佛告韋提希西方極樂世界阿彌陀佛去此不遠汝當繫念
諦觀彼國欲生彼國者當修三福一者孝養父母奉事師長慈
心不殺修十善業二者受持三歸具足衆戒不犯威儀三者發
菩提心深信因果讀誦大乘勸進行者應當一心繫念諦觀西
方極樂世界阿彌陀佛及觀世音菩薩大勢至菩薩坐蓮花上
佛菩薩像皆放光明其光金色徧滿彼國此想成時往生彼國




增
一

淨土緣起

醜女改容

百緣經云波斯匿王末利夫人生一女兒面貌極醜形不似人
養育長大覓一貧窮豪族之子以為其夫起造舍宅牢閉門戶
內外七重王囑女夫汝若出外自執鎖鑰而自關閉勿令人見
王出財物供給女壻授為大臣與諸豪族共為邑會月月更作
設會之時夫婦共來共相歡樂諸在會者各將自婦共來赴會
唯彼大臣獨不將來眾人疑議彼人婦者或是端正或是極醜
眾人勸酒令醉卧地解取鎖鑰令人開門觀看其婦彼女自責
我種何罪幽閉暗室遙禮世尊願垂哀愍佛知其意即到其家
其女見佛求哀懺悔佛為說法心開意解惡相醜形忽然端正
身體端嚴猶如天女使人開門見其端正殊妙無比使人見已
還將鎖鑰繫於本處其人還家見婦殊特問是何人答言汝婦
其婦具以禮佛答夫緣佛神德使我如是其夫同婦與王見佛




增
二

醜女改容

鸚鵡請佛

百緣經云佛於祇園將詣摩竭提國值諸羣鳥中有鸚鵡王遙見佛來飛騰虛空逆道奉迎唯願世尊及比丘僧慈哀憐愍詣我林中受一宿請佛即然可時鸚鵡王知佛許已還歸本林勅諸鸚鵡各來奉迎爾時世尊將諸比丘詣鸚鵡林各敷坐具在於樹下坐禪思惟時鸚鵡王見佛比丘寂然冥坐甚懷喜悅通夜飛翔遶佛比丘四向顧視無諸師子虎狼惡獸及以盜賊觸惱世尊及比丘僧至明清旦世尊進引鸚鵡歡喜在前引導向王舍城白頻婆娑羅王言世尊今者將諸比丘遂來在近唯願大王設諸餽饌逆道奉迎時頻婆娑羅王聞是語已勅設餽饌執持幢幡香花妓樂將諸羣臣逆道奉迎時鸚鵡王於其夜中即便命終生忉利天從天下來報世尊恩齋持香花而供養佛頭面頂禮佛即為其說四諦法心開意解得須陀洹果

鸚鵡請佛




增
三

惡牛蒙度


百緣經云佛在驕薩羅國欲詣勒那樹下至一澤中有五百水牛甚大兇惡復有五百牧牛人遙見佛來將諸比丘從此道行高聲叫喚唯願世尊莫行此道水牛羣中有大惡牛觝突傷人難可得過佛告牧牛人言汝等不須憂慮彼水牛者設來觝我吾自知之惡牛卒來翹尾低角跑地吼喚跳躑前來世尊於五指端化五師子在佛左右四面周帀有大火坑時彼水牛甚大惶怖四向馳走無有去處唯佛足前有少空地晏然清涼馳奔趨向心意泰然無復怖畏長跪伏首舐世尊足復便仰頭視佛世尊如來知彼惡牛調伏而說偈言盛心興惡意欲來傷害我歸誠望得勝返來舐我足時彼水牛聞說偈已不食水草即便命終生切利天從天下來還報佛恩齋持香花來詣佛所前禮佛足却住一面佛即為說種種法要心開意解得須陀洹果

惡牛蒙度



白狗吠佛

中阿含經云世尊入舍衛國至鸚鵡摩納都提子家都提小出
彼家有白狗在於牀上盤中喫食狗見佛來下牀便吠佛語白
狗汝因護財而墮於此狗大嗔恚憂戚愁卧都提還家見狗卧
地不起即問誰嗔此狗家人答言世尊都提嗔恚詣世尊所世
尊告曰狗是汝父汝若不信回家問狗令狗示汝伏藏還家語
狗若前世時是我父者當還起食示我伏藏狗即示伏藏處以
口及足爬於床下即便掘地大得寶物發大信心問佛宿因行
業果報佛言男子女人壽命極短殺生業報壽命極長慈心不
殺貧窮極苦慳貪偷盜多饒財寶常行布施有惡智慧近惡人
言有善智慧親善知識都提當知作長壽業必得長壽作布施
業必得財富廣學多聞必得智慧作如是因感如是果一切衆
生因自行業隨其善惡果報自受




白狗吠佛

增五

火中取子

經律異相云瞻婆國城中有大長者無有繼嗣奉事六師以求子息其婦懷妊長者往問六師是男是女六師答言生必是女長者愁惱復有知識謂長者言何不問佛長者即詣佛所以事問佛佛言是男無疑六師心嫉以菴羅果和合毒藥持與長者汝婦臨產可服此藥產則無患長者受之與婦令服服已即死長者殞殮城外焚之佛語阿難吾欲往彼摧滅邪見佛與大眾往詣焚所長者白言佛言無妄兒母已終云何生子佛言卿於是時曾不見問母命脩短但問所懷為是男女長者當知定必得子是時死屍火燒腹裂佛告耆婆汝往火中抱此兒來耆婆前入火中抱持此兒還授於佛佛付長者言衆生壽命不定如水上泡若人福厚火不能燒毒不能害長者作禮長跪白佛唯願世尊愍我無智愚迷之甚信奉外道從今已往歸命佛僧




增
六

火中取子

見佛生信

經律異相云有國王名阿質威勢勇猛侵伐鄰國枉苦良善人
民怨之佛與大衆欲往化之阿質王聞之即生惡意與諸王子
興兵合聚當於大道迎欲拒佛當此之時佛在身前放大光明
從軍中度阿質國王鼓不復鳴弓弩不施刀兵不拔象馬顛倒
步兵轉筋天地陰冥日月無光王及衆軍皆迷惑失息頓伏而
走佛到王城城門自開佛進王宮入殿而坐諸天神王擁護圍
遶王及諸子聞佛入宮還宮與佛相見作禮前謝白佛言卑鄙
暗陋少不學問不知禮義狼獸為比愚癡迷惑違犯天人大聖
不顧邊陲小國今枉世尊遠來鄙土君臣悖逆唯願世尊哀我
無智既已厚恩教化人民王及諸子悔過自責白佛言乞戒終
身奉行佛言王當恩信仁義慈孝貞潔寬柔忍辱布施育民衆
生可哀人命可惜國土珍寶不足恃怙為民父母愛民如子



增
七

見佛生信

因婦得度

三摩竭經云有難國王遣使至舍衛國長者阿難邠坻舍長者見使者黑醜如鬼問言汝何等人答言難國王為太子娶婦聞長者有女名三摩竭人中第一故來求之王自有書相聞長者便到佛所白佛難國王遣使來到我家辭言為王太子來求我女今當云何佛言與之長者送女至彼時難國王見子婦來便請其師尼犍若陀弗入宮飯之王與夫人呼子同婦出來禮師三摩竭見尼犍裸形醜黑是為猪狗畜生無異口遙唾之即還閉門不出師告王汝問婦事何師婦答言是佛王言佛可見否答言佛有神力燒香遙請即至王言大善三摩竭即上高臺燒香作禮言今難國王不知有佛願佛明旦與諸弟子勞屈尊神來到於此佛勅諸比丘各以道力變化自在所為諸比丘各乘龍鳳虎豹牛馬孔雀從空而至為王說法及諸尼犍悉皆得度